



Synfocity = 463

7th November, 2013

mail us at : mzsynfo@gmail.com; mizoramsynod@gmail.com - Phone - 2314648

□ Synod Mission Board

Synod Mission Board chuan contract missionary a lak thar mi 147 te pualin November 4 - 29 chung hian Orientation Training, Zosaphlua Building, Mission Vengah a buatsaih mek a, training-ah hian thil tul chi hrang hrang zirtir an ni a, training pe tur hian Mission Board lam hotute bakah mi thiamte sawm an ni.

Tun dinhmunah Synod Mission Board hnuaiah thawktu 2300 an awm mek a, Kum 2013 January - June & October thla chungga ringthar zat hetiang a ni :

S.n	Buhmun	Missionary	Jan-Jun	Oct.	Dinhmun
1.	Arunachal 'E' Mission Field	68	35		nei lo
2.	Arunachal 'W' Mission Field	93	140	25	
3.	Assam Field	69	62	7	
4.	Barak Area(JPM+Bengali)	73	64	19	
5.	Cachar Tlâng	69	36		dawn hman loh
6.	Delhi Mission Field	17	106	1	
7.	Home Mission 'N'	163	71	19	
8.	Home Mission South	211	55	84	
9.	Jharkhand Mission Field	28	307	93	
10.	Karbi Anglong Mission Field	123	56	7	
11.	Kolkata Mission Field	20	108		nei lo
12.	Lucknow Mission Field	24	156	31	
13.	Nepal Mission Field	37	134	6	
14.	Patna Mission Field	27	82	5	
15.	Siliguri Mission Field	37	58	6	
16.	Tripura Mission Field	143	1092	202	
17.	Masihi Sangati, Mizoram	6	566	126	
	BELHKHAWM	1208	3128	631	

SMB hnuaia thawktu zawng zawng=2300 (Thawktu dinhmun hi danglam reng a ni.)

□ Oath Taking & Lamp Lighting vawi 40-na

Synod Hospital, Durtlang chuan November 8 (Zirtawpni) chawhnu dar 2:00 hian Oath Taking & Lamp Lighting Ceremony vawi 40-na, Nursing School Auditorium-ah an hmang dawn a, Synod Moderator Rev. Lalramliana Pachuau chu Khuallian a ni ang.

Dr. Vanlalruata, Director-in inlawmna thu a sawi ang a, Pastor J. Lalremsiama, Durtlang Bialin Bible chhiar leh tawngtaiin hunserh a hmang ang. R. Lalchhanhimi, Principal-in reports a pe ang a, Pi C. Lalrintluangi, Nursing Superintendent-in Oath taking leh lamp lighting hun a hmang ang a, Nurse zirnaa tithate hnenah Khuallianin lawmman a sem ang a, thu sawina hun a hmang ang. Nurse zir chunghte atangin a duh tan thusawina hun hawn a ni ang a, Dr. L.H. Thanga Singson in lawmthu sawina hun a hmang ang a, Rev. C. Lalbiakhluna, Hospital Chaplain-in Malsawmnain inkhawm a tin ang.

□ Mamit Bookroom Building thar hawng dawn

November 9 (Inrinni) dar 11:00 am hian Mamit Charkawn-ah Rs. 20,50,000 (Cheng nuai sawmhni leh singnga) senga sak Synod Book Room Building thar chu Synod Moderator Rev. Lalramliana Pachuau-in a hawng ang.

Hawna inkhawm hi Upa R. Lalmalsawma, General Manager PRESCOM-in a kaihruai ang a, Synod Moderator Rev. Lalramliana Pachuau-in building thar a hawng ang a, thuchah a sawi ang. Secretary, Mamit Branch Bookroom Committee hnen atangin technical report ngaihthlak a ni ang a, Mamit Bial Zaipawlte an zai ang.

□ Family Guidance & Counselling Centre

◆ November 9 & 10 hian Ruantlang Bial huapin Ruantlang Kohhranah Kristian Chhungkaw Camping neih a ni dawn a, hemi neihpui tur hian Rev. R. Lalhmingthanga, FG&CC Director a kal ang.

◆ November 8 - 10 hian Kolasib Vengthar Kohhranah Kristian Chhungkaw Seminar & Camping neih a ni dawn a, hemi neihpui tur hian Rev. Zothansanga, FG&CC Com. Member a kal ang.

□ MSSU

November 9 & 10 hian Tuithumhna Bial huapin Tuithumhna Kohhranah Sunday School Zirtirtu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator; Upa K. Zoremsanga, Kulikawn (Trainer) leh Pu P.C. Lalramliana, Office Assistant-te vaviin (Nov. 7) khan an kal.

□ Kristian Thalai Pawl

◆ November 1 (Zirtawp) zan khan KTP General Conference 2014/Diamond Jubilee (Feb. 27 –March 2, 2014), Khawzawla nghah tur inbuatsaihna chi khat atan Aizawl khawpui chung Presbytery huam chungga Bial Zaipawl ten Mission Vengthlang Kohhran Biak Inah a huhovin hla an zir a, Bial 38 atangin Zaipawl member 828 an tel thei, Mizoram Synod Choir leh CKTP hruaitute an tel a, Mission Vengthlang Kohhran Upa engemaw zatin an tawiam bawk. Hla zir zawhah hian CKTP Leader Rev. Lalrinmawian Jubilee T-Shirt a tlangzarh. Hla zirte hi Mission Vengthlang Kohhran chuan thingpui ruai tuihnai tak an lo buatsaihsak a ni. Jubilee T-shirt hi Synod Bookroom lamin an buaipui a, Rs. 280/- man zel a ni a, a tlangzarh zanah hian Rs. 30,000/- chuang man an hralh nghal a, Bookroom Branch hrang hrang atangin hralh chhuah zui nghal a ni bawk.

◆ November 5 (Thawhlehi) zan dar 7:00 khan Kulikawn Kohhran Hall-ah 55th. KTP Gen. Conference Hla hruaitu & Praise Group te inhmukhawmna hmasa ber neih a ni a. Zai hruaitu leh Praise Group tura ruat mi 18 an kal kim a. Central com lam atangin Sub com member mi 6 kalin an vaiin 24 an ni. KTP Kulikawn Branch ten lo buaipuiin eitir tuihnai tak an lo hlui a. Thil tul hrang hrang sawi ho leh zaiho na te neiin hlawk takin hun an hmang thei a ni. December thla hun remchangah inhmukhawm leh tum a ni.

Contd...

- ◆ November 5 (Thawhlejni) zan vek khan 55th. KTP Gen. conference Information & Publicity Committee huaihawtin Khawzawl Vengthar Kohhran Hall-ah General Conference 2014 chungchang Talk Show buatsaih a ni a, Central KTP Committee atangin Upa Dr. Samuel Vanlalhlanga (Asst. Leader) leh Pu Samuel Laldingliana (Com. member) te an tel. He talk show hi Cable TV hrang hranga la pek chhuah leh tur a ni.
 - ◆ November 9-10 hian Champhai Joint KTP Meet chu Kahrawt Kohhran Biak Inah neih a ni dawn a, CKTP GS Upa Zonunmawian a hmanpui ang a, Mission Veng Bial Zaipawl-in an tawiawm ang.
 - ◆ November 9-10 vek hian Chawngte L Bial huap Leadership Training neihpuiin T.Upa Lalramdina Ralte leh Pu Lalngchinglova Hauzel te an kal ang.
 - ◆ November 8 (Zirtawpni) 4:00 pm hian CKTP Committee chu CKTP budget (2014-15) duangin an thukhawm ang.
- ☐ **Kohhran Hmeichhia**
- ◆ November 8 - 10 hian Tuidam Bialah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi Parchhuaki, Pi Lalrinzuali leh Pi Lalrokimi, Committee Members te an kal ang.
 - ◆ November 12 (Thawhlejni) zan hian Saron Veng Kohhranah Kristian Chhungkaw Campaign neih a ni dawn a, hemi neihpui tur hian Pi H. Lalpianthangi, General Secretary a kal ang.
- ☐ **Music**
- November 9 (Inrinni) hian Synod Conference Centre-ah Church Music Training neih a ni dawn a, training-a tel tur hian khawpui chung Kohhran tin atanga Keyboardist 2 theuh tel tura sawm an ni a, repourse person atan Pu C. Lalsiamkima, B.Mus (Church Music) Singapore an hmang ang.
Training hi session 3-ah then a ni ang a, thupui hrang hrang, Chord Writing, Survey of Church Music leh Hymn Arrangement tih te zirho a ni ang.
- ☐ **Dietician thar**
- Synod Hospital, Durtlang chuan Dietician thar, NI. Remlalfaki a nei thar a, zunthlum leh thisen sang, ei leh in lama fimkhur ngai chi tan rawn theih reng a ni a, counselling room nuam tak an nei nghal bawk.
- ☐ **Hruaina Eng FM Radio & TV Programme**
- ◆ **NOVEMBER 8 (FM Zoawi Aizawl @ 7:30 p.m.) :**
Solo : Joy Zairemmawia - Ka Zai Zel Ang, **Choir :** Chawnpui Pastor Bial Zaipawl - WYLYN, **Thuchah :** Upa Zonunmawia - Hnathawk tura chhandam thalaite, **Solo :** Lalremruata - A Rei Em, **Choir :** Champhai Vengthlang Pastor Bial Zaipawl - Gethsemani
 - ◆ **NOVEMBER 8 (FM Lunglei @ 7:30 p.m.) :**
Solo : Lalremruata - A Rei Em, Synod News, **Choir :** Champhai Vengthlang Pastor Bial Zaipawl - Gethsemani, **Thuchah :** Upa Zonunmawia - Hnathawk tura chhandam thalaite, **Solo :** Joy Zairemmawia - Ka Zai Zel Ang, **Choir :** Lunglei Presbyterian Choir - Hmangaihtu Pathian
 - ◆ **NOVEMBER 10 (TV Programme @ 3:00 p.m.) :**
Zaipawl : Bawngkawn Bial Zaipawl - Hosanna ti zelin aw, **Sermon :** Rev Sairengpuia - Thlarau Thianghlim hlutna leh pawimawhna, **Solo :** Zoremi - Sinai Tlang, KTP Diamond Jubilee Zaipawl Pui Hla Zir & Tshirt Tlangzarh
- ☐ **Susamachar Prasaran Programme**
- NOVEMBER 10 (Pathianni) 5:00 pm. Hindi Gospel Programme (Susamachar Prasaran) :**
Group/Choir/Solo : Sihphir Masihi Sangati - Kruspar, **Group/Choir/Solo :** Hunthar - Pavitra Atmaa, **Sermon :** Lalhruaitluanga - Isu Kaun hai, **Group/Choir/Solo :** Kawngkharmawii - Krus tere nishan, **Stuti Geet :** Gao Abhi Dil Sehun
- ☐ **Programme pek theih**
- Hruaina Eng TV channel atan music video leh special programme a pek theih reng a, pek tur nei chuan Synod Office 4th floor-a SYNFO department office-ah pek theih reng a ni.
KTP, Chawhnu Tleirawl Inkhawm leh Chawhnu Naupang Inkhawm programme tha leh special bik nei turte tan Hruaina Eng TV-a tih chhuah atan SYNFO-in a cover thei a, koh theih an ni.
- ☐ **Moderator Programme**
- Synod Moderator Rev. Lalramliana Pachuau chuan hetiang hian hun a hmang ang :
- ◆ November 9 (Inrinni) : Mamit Charkawn-ah Synod Bookroom Building thar a hawng ang
 - ◆ November 10 (Pathianni) Chawhma : Sihphir Vengthar Kohhran
 - ◆ November 10 (Pathianni) Chawhnu : Nausel Kohhran

DOCTOR HNA RUAK

A hnuai tarlan ang hian Synod Hospital, Durtlang-ah Doctor hna a ruak a, kum 18 - 40 inkar, rawngbawl tura inpe duh tan dil theih a ni. Diltu chuan Kohhran lehkha leh thiamna Certificate thil tel tur a ni e. Hlawh chu Synod Pay Scale zui a ni ang.

Sn.	Hna hming	Qualification	Post ruak zat
1.	Medicine Specialist	MD	1
2.	Medical Officer	MBBS	2

Dil theih hun chung : Dt. 10.12.2013 thleng
Interview hun : Dt. 13.12.2013 (Friday), Dar 11:00 am
Interview-na hmun : Synod Hospital, Durtlang

DR. VANLALRUATA
 Director,
 Synod Hospital